

DIRECCIÓN XENERAL DE POLÍTICA LLINGÜÍSTICA

Serviciu de Planificación y Conocimientu de la Llingua Asturiana

RESOLUCIÓN pola que s'aprueba la convocatoria de la edición quincena del «Premiu al Meyor Cantar Camaretá» en llingua asturiana o en gallego-asturianu

RESOLUCIÓN

Examináu l'espeditu de referencia resulten estos

FECHOS

Primero.- L'espardimientu, fomentu y normalización social del asturianu y, nel so ámbitu, del gallego-asturianu nes sos distintes manifestaciones, según lo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu, impliquen l'atención a los diversos sectores sociales, culturales y empresariales qu'intervienen nel procesu. Nesti sentíu, l'artículu 13 d'esta llei refierse espresamente a la protección de la música n'asturianu en tanto que manifestación cultural y artística, polo que la Conseyería de Cultura, Política Llingüística y Turismu vien disponiendo una serie d'acciones que contribúin a la proyección de la cultura musical que s'espresa en llingua asturiana o gallego-asturianu.

Segundo.- Fomentar la creatividá musical contribúi claramente a desenvolver la riqueza cultural de la sociedá. Sábese tamién que la música, que naz de la voluntá de creación y comunicación, lleva una dedicación de tiempu y esfuerzu que pue reconocese y incentivase polos poderes públicos.

Tercero.- Por eso, la Conseyería de Cultura, Política Llingüística y Turismu considera que procede la convocatoria del «Premiu al Meyor Cantar Camaretá» na so edición quincena, empobináu a afitar, arriquecer y prestixar la llingua y la cultura asturianas, na creyencia, amás, de qu'actuaciones como esta contribúin de forma eficaz a dinamizar l'actividá cultural de la Comunidá Autónoma, y sobre manera un aspectu tan importante de la mesma como ye'l de la creación musical.

Cuarto.- Por Resolución de 5 de xunetu de 2018 de la Conseyería d'Educación y Cultura, apruébense les bases reguladores del «Premiu al Meyor Cantar» (BOPA 24 de xunetu de 2018), que na base VI recueyen que na resolución de convocatoria podrá prevese una dotación económica pal premiu.

Quinto.- Na Llei del Principáu d'Asturies 10/2022, de 30 d'avientu, de Presupuestos Xenerales pa 2023, contiense creitu específicu pa la dotación económica del «Premiu al Meyor Cantar» na partida presupuestaria 18.04.422R-482.009, denominada «Premios artísticos en llingua asturiana». Igualmente'l Plan Estratéxicu de Subvenciones de la Conseyería de Cultura, Política Llingüística y Turismu pal periodu 2023-2025 (aprobáu por Resolución de 22 de febreru de 2023 y publicada en BOPA'l 28 de febreru del 2023) prevé la convocatoria d'esti premiu.

A estos fechos son-yos d'aplicación estos

FUNDAMENTOS DE DERECHU

Primero.- L'artículo 3 del Decretu 71/92, de 29 d'ochobre, que regula'l Réxime Xeneral de Subvenciones, en rellación col artículo 38 de la Llei 6/1984, de 5 de xunetu, del Presidente y del Conseyu de Gobiernu del Principáu d'Asturies, l'artículo 10 del Decretu 13/2019, de 24 de xunetu, del Presidente del Principáu, de Reestructuración de les Conseyerías qu'integren l'Alministración de la Comunidá Autónoma, lo mesmo que l'artículo 14 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello en cuantes a la determinación de les competencies y facultaes p'adoptar esta resolución.

Segundo.- D'alcuertu col artículo 37 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies, el Decretu 86/2019, de 30 d'agostu, pol que s'establez la estructura orgánica básica de la Conseyería de Cultura, Política Llingüística y Turismu y la Resolución de 10 d'ochobre de 2019, de la Conseyería de Cultura, Política Llingüística y Turismu pola que se deleguen competencies (BOPA del 18 d'ochobre), ye competencia del titular de la Dirección Xeneral de Política Llingüística l'autorización y disposición de gastos correspondientes a la Dirección Xeneral, hasta'l límite de 18.000 euros, que se financien con cargu al programa presupuestariu xestionáu pola Dirección Xeneral.

Tercero.- Sicasí, por razones d'economía procesal y simplificación de trámites, pue la Ilma. Sra. Conseyera conocer del presente espediente avocando les competencies delegaes n'aplicación del artículo 17 de la Llei 2/1995, de 13 de marzu, sobre Réxime Xurídicu de l'Alministración del Principáu, al tramitase conxuntamente toles fases del espediente de gastu.

Cuarto.- Ye aplicable lo dispuesto na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, sobre Réxime Xeneral de Concesión de Subvenciones.

En virtú de lo espuesto y d'alcuertu colo previsto nos artículos 8c) y

41 del Testu refundíu del Réxime Económicu y Presupuestariu, aprobáu pol Decretu Llexislativu del Principáu d'Asturies 2/1998, de 25 de xunu, pola presente,

RESUELVO

Primero.- Aprobar la convocatoria, en réxime de concurrencia competitiva, del «Premiu al Meyor Cantar Camaretá» na so edición quincena, con una dotación de seis mil euros (6.000€), pa cantares con lletra en llingua asturiana o en gallego-asturianu.

Segundo.- Avocar pa sí'l conocimientu de los actos delegaos de gastu, autorizando un gastu por importe de seis mil euros (6.000€) con cargu a l'aplicación presupuestaria 18.04.422R-482.009 de los Presupuestos Xenerales del Principáu d'Asturies pal añu 2023.

Tercero.- Esta convocatoria ha rexise poles bases reguladores aprobaes por Resolución de 5 de xunetu de 2018 de la Conseyería d'Educación y Cultura (BOPA 24 de xunetu de 2018).

Cuarto.- A esta convocatoria del «Premiu al Meyor Cantar Camaretá» van poder presentase persones físiques que seyan músicos/es solistes o formen parte d'un grupu musical, que s'alcuentren na situación que fundamente la concesión del premiu, concurriendo nellos les circunstancies previstes nes bases reguladores y que cumplan los requisitos establecíos na Llei 38/2003, de 17 de payares, Xeneral de Subvenciones, y na convocatoria.

Al «Premiu al Meyor Cantar Camaretá» con lletra en llingua asturiana o gallego-asturianu, van poder presentase:

- 1.- Cantares de cualquier xéneru con lletra y música orixinal.
- 2.- Cantares de cualquier xéneru con lletra orixinal sobre melodíes yá existentes.

Nos dos casos, editaes y difundíes al públicu a lo llargo del añu 2022 y hasta la fecha de la convocatoria de la edición presente.

Cada solista o grupu musical interesáu namás podrá presentar al premiu un cantar.

Nel casu de grupos musicales, habrá nomase un representante o apoderáu únicu del grupu y facer constar espresamente na solicitú'l porcentaxe del importe del premiu a aplicar pa caún de los miembros del grupu, que van tener igualmente la condición de beneficiarios.

La Dirección Xeneral de Política Llingüística ha poder consultar que les persones solicitantes cumplan les condiciones pa la so participación nesti premiu.

GOBIERNO DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

Quinto.- Les solicitúes han dirixise a la Dirección Xeneral de Política Llingüística de la Conseyería de Cultura, Política Llingüística y Turismu, y van poder presentase a partir del otru día desque se publique l'Estractu de la correspondiente convocatoria nel *Boletín Oficial del Principáu d'Asturies*. Conforme a lo dispuesto nes bases d'esti galardón, han presentase nel Rexistru Electrónicu Xeneral de l'Alministración del Principáu d'Asturies nel plazu de trenta díes naturales a cuntar dende'l día depués de la publicación del extractu d'esta convocatoria nel *Boletín Oficial del Principáu d'Asturies*. Acordies colo previsto nel artículu 30.5 de la Llei 39/2015, de 2 d'ochobre, del Procedimientu Alministrativu Común de les Alministraciones Públiques, cuando l'últimu día del plazu seya inhábil, va entendese prorrogáu al primer día hábil siguiente.

Les solicitúes mentaes han presentase en modelu normalizáu, que s'atopa disponible nel formulariu con códigu de trámite SITE PREM0010T01 de la sede electrónica del Principáu d'Asturies (<https://sede.asturias.es>). Pa localizalu podrá metese'l códigu PREM0010T01 nel buscador de la cabecera (asitiáu na parte superior derecha de la páxina) y yá nel procedimientu, nel apartáu "Documentación relacionada" podrá descargar el formulariu de solicitú.

El formulariu de solicitú, amás de la otra documentación riquida, va poder presentase:

1. Nel Rexistru Electrónicu Xeneral de l'Alministración del Principáu d'Asturies
2. Al traviés de cualquier otru de los medios regulaos nel artículu 16 de la Llei 39/2015, de 1 d'ochobre. Si n'usu d'esti derechu, la solicitú se remite per corréu, ha presentase en sobre abiertu pa que la solicitú seya fechada y sellada por personal de Correos.

El formulariu de solicitú ha acompañase de la totalidá de la documentación esixida:

- ✓ Formulariu de solicitú onde s'inclúi declaración responsable del solista o representante del grupu relativa a estos estremos: tar al corriente de les sos obligaciones tributaries y de seguridá social, nun ser deudora de la Hacienda del Principáu d'Asturies por deudas vencíes, líquides y esixibles, subvenciones solicitaes mesmo que les concedíes cola mesma finalidá y si procedió a la xustificación de les subvenciones y ayudes concedíes con anterioridá pola Comunidá Autónoma, mesmo que a nun tar incursu nes prohibiciones pa tener la condición de beneficiariu, previstes nel artículu 13 de la Llei Xeneral de Subvenciones.
- ✓ Documentu acreditativu de la personalidá de la persona solicitante.
- ✓ Soporte dixital onde se recueya la canción escoyida pol grupu o solista pa concurrir al premiu.

GOBIERNO DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

- ✓ Currículum del solista o grupu, incluyendo rellación nominal de componentes y instrumentos que toquen.
- ✓ Lletra de la canción escoyida, debidamente mecanografiada, con indicación espresa de la persona a la que s'atribúi l'autoría de la lletra de la mesma.

Nel casu de grupos musicales, amás:

- ✓ Declaración responsable de caúna de les persones integrantes del grupu musical (anexu II), relativa a estos extremos: tar al corriente de les sos obligaciones tributaries y de seguridá social, nun ser deudora de la Facienda del Principáu d'Asturies por deudes vencíes, líquides y esixibles, subvenciones solicitaes mesmo que les concedíes cola mesma finalidá y si procedió a la xustificación de les subvenciones y ayudes concedíes con anteriorida pola Comunidá Autónoma, mesmo que a nun tar incursu nes prohibiciones pa tener la condición de beneficiariu, previstes nel artículu 13 de la Llei Xeneral de Subvenciones.
- ✓ Documentu acreditativu de la personalidá de caún de los miembros del grupu.
- ✓ Declaración responsable onde s'estableza la persona representante del grupu. Esta declaración ha cuntar cola conformidá de los otros miembros del grupu musical y nella ha constar el porcentaxe del importe del premiu a aplicar a caún de los miembros del grupu que van tener la condición de beneficiarios (anexu III).

En dambos casos (solista o grupos musicales) ha presentase la rellación d'instrumentistes que van acompañar l'actuación y qu'han ser los mesmos qu'actúen en casu de resultar finalistes.

Sesto.- N'acabando'l plazu de presentación de solicitúes, estes van ser valoraes por un xuráu qu'ha presidir la persona titular de la Dirección Xeneral de Política Llingüística (o persona en quien delegue) y va actuar como secretariu/a personal adscrito a la Dirección Xeneral de Política Llingüística. El xuráu ha nomase por resolución de la consejera de Cultura, Política Llingüística y Turismu y ha tar formáu por un máximu de nueve y un mínimu de cinco persones rellacionaes col ámbitu de la música y la cultura asturiana.

Séptimo.- La selección va tener dos fases. La primer fase va consistir nuna xera de preselección na que los miembros del xuráu van puntuar caún de los cantares que s'axusten a lo estipulaes nes bases; los cantares, nun númberu non menor que trés, que saquen la puntuación global más alta van considerase finalistes.

Na segunda fase va escoyese al ganador/a d'ente la rellación de finalistes.

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

Nes dos fases, pa la puntuación d'otorgamientu del premiu, el xuráu va tener en cuenta la calidá musical y artística de los cantares, atendiendo a estos criterios:

- Calidá de la composición (hasta un máximu de 20 puntos).
- Corrección llingüística de la lletra (hasta un máximu de 20 puntos).
- Dicción y fluidez nel usu de la llingua asturiana por parte de los cantantes (hasta un máximu de 20 puntos).
- Calidá de la interpretación vocal (hasta un máximu de 20 puntos).
- Calidá de la interpretación instrumental (hasta un máximu de 20 puntos).

N'escoyéndose los finalistes, van tener qu'actuar en directo defendiendo'l tema escoyíu na Gala musical del «Premiu al Meyor Cantar Camaretá» y, depués de les actuaciones, va facese públicu —a lo llargo d'esta gala— el fallu del xuráu.

Nesti sentíu, los finalistes clasificaos pa la segunda fase han asumir la obligación d'actuar en directo na mentada Gala, que se va celebrar en fecha que se determine pola Dirección Xeneral de Política Llingüística. Asumirán, amás, la obligación d'asistir a les grabaciones audiovisuales, a les pruebas de soníu y lluces el día enantes de la celebración de la Gala final y al ensayu xeneral el mesmu día de la Gala, nel horariu qu'asigne la empresa coordinadora de la Gala. En casu de que dalgún de los finalistes escoyíos na primer fase nun puidere asumir esta obligación, va escoyese al siguiente de los concursantes per orde de puntuación de mayor a menor, hasta completar el númberu de finalistes.

Octavo.- El premiu, con una dotación económica de seis mil euros (6.000 €), ha concedese d'aluerdu colos principios d'oxetividá, tresporencia, igualdá, non discriminación y publicidá, pel procedimientu de concurrencia competitiva. D'igual manera el/la solista o grupu musical ganador va recibir como galardón un troféu que-y van entregar na Gala del «Premiu al Meyor Cantar Camaretá» en faciéndose públicu'l fallu del xuráu. Amás, el Gobiernu del Principáu d'Asturies ha velar pola promoción y espardimientu del espectáculu ganador nos medios de comunicación y nos eventos organizaos o promovíos pol propiu Gobiernu y ha producir un videuclip del cantar ganador pa depués difundilu, dando por retribuyíos col premiu los derechos d'autor del videuclip.

Con calter previu a la concesión del premiu, la persona beneficiaria va tener qu'apurir declaración responsable de nun tar incurso nes prohibiciones previstes nel artículu 13 de la Llei Xeneral de Subvenciones y certificaos de tar al corriente de les sos obligaciones tributaries y cola Seguridá Social.

Noveno.- El Serviciu de Planificación y Conocimientu de la Llingua Asturiana, dependiente de la Dirección Xeneral de Política Llingüística de la Conseyería de Cultura, Política Llingüística y Turismu, va adoptar toles midíes necesaries pal desenvolvimientu de les bases reguladores y d'esta convocatoria, llevando a cabu la ordenación y instrucción del procedimientu.

En formulando'l Serviciu de Planificación y Conocimientu de la Llingua Asturiana la correspondiente propuesta de resolución de concesión de premiu, la

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

Conseyera de Cultura, Política Llingüística y Turismu ha dictar la resolución de concesión, que va publicase nel *Boletín Oficial del Principáu d'Asturies*, colo que se va considerar notificada conforme a lo estableció nel artículu 45 de la Llei 39/2015, de 2 d'ochobre.

Décimo.- Disponer la publicación del extractu d'esta convocatoria nel *Boletín Oficial del Principado de Asturias* (BOPA), y pudiendo consultase'l testu completu de la mesma na Base de Datos Nacional de Subvenciones (<http://www.pap.minhap.gob.es/bdnstrans/index>), de conformidá colo previsto nos artículu 18.2 y 20.8.a) de la Llei 38/2003, de 17 de payares, Xeneral de Subvenciones.

Esta Resolución agota la vía alministrativa y va poder recurrise potestativamente en reposición, énte la conseyera de Cultura, Política Llingüística y Turismu, nel plazu d'un mes computáu dende l'otru día desque se publique l'extractu de la presente resolución nel *Boletín Oficial del Principáu d'Asturies*, o directamente impugnase énte la Sala de lo Contencioso-Alministrativo del Tribunal Superior de Xusticia d'Asturies, nel plazu de dos meses contaos dende la publicación de la resolución, ensin perxuiciu de cualquier otru recursu qu'estimen procedente interponer en defensa de los sos intereses.

